

Աստուծոյ: 44 Այլ դու, Արշակ, փոխանակ զի զգործս Կայենի գործեցեր, զանեծսն Կայենի զգեցջիր. անկջիր կենդանւոյն ի թագաւորութենէդ քումմէ, եւ չարչարեսցիս առաւել քան զՏիրան զհայրն քո, եւ դառն մահուամբ զկեանսս քո յերկրես մեծ նեղութեամբ վճարեսցիր:

45 Եւ զայս ամենայն խաւսեցեալ ընդ թագաւորին քահանայապետին մեծին Ներսեսի, զնաց ի թագաւորէն, եւ այլ ոչ դարձաւ անդրէն յայն բանակ: 46 Իսկ զպատանեակն Գնել առնուին զնային մաւտ ի Սիւսն¹ արքունի, եւ անդէն կառափէին ի սարակ լերինս, որում տեղւոյն Լսին անուանեալ է, մաւտ յորմածս արգելոցացն որսոյն երիցն, ընդդէմ մուրտաստանին աղբերացն բազմոցացն արքունի, յանդիման բանակետեղ բնին:

47 Ապա հրաման եղեւ յարքայէն. Ամենայն մարդիկն որ իցեն ի բանակին, մեծ եւ փոքր առ հասարակ, մի՛ ոք իշխեսցէ չերթալ. այլ ամենայն ոք առ հասարակ երթիցեն դիցեն աշխար կոծոց, եւ լացցեն զԳնել մեծ սեպուհն Արշակունի զսպանեալն: 48 Իսկ ինքն թագաւորն զնացեալ ի լալիսն, նստեալ լայր զեղբարորդին իւր, զոր ինքն եսպան: 49 Երթեալ նստեր մաւտ առ դին, լայր ինքն, եւ տայր հրաման՝ կոծ մեծ եւ աշխար դնել շուրջ զսպանելով դիակամբն: 50 Իսկ կինն սպանելոյն Փառանձեմն զհանդերձսն պատառեալ, զգեսս արձակեալ, մերկատիտ² ի մեջ աշխարանին կոծեր. ձայն արկանելով ճչեր, յողբս արտասուաց յաղիողորմ զուժի առ հասարակ զամենեսեան լացուցաներ: 51 Իսկ թագաւորն Արշակ ի լալիսն տեսաներ զկինն սպանելոյն, տռփեր եւ ակն դներ՝ առնուլ զնա իւր կնութեան:

52 Իսկ այն որ զնենգութիւնս քսութեանց նիւթեաց, եւ դաւով ի վերայ իւրոյ հարազատին սպանութիւնս կատարեաց, վասն նորին կնոջն արար զայն, զի մեծապէս սիրով հարեալ էր ի նմա, զՏիրիթն ասեմ, որ յառաջագոյն հարեալ ի կնոջն յայնմիկ, վասն որոյ զնենգութիւնս սպանութեանցն թագաւորան զործեաց: 53 Իսկ մինչ դեռ ի նմին կոծն սաստկացեալ էր, Տիրիթն սկսաներ ժոյժ չունելոյ տրփանացն: 54 Պատգամ յղեր առ կին մեռելոյն, ասէ՛ զի Մի՛ կարի զանձն քո աշխատ առներ այդչափ, զի այր բարի ես եմ քան զնա. ես սիրեցի զքեզ, վասն այսորիկ մատնեցի զնա ի մահ, զի զքեզ առից ինձ կնութեան: 55 Արդ մինչ դեռ կոծ մոլութեան զդիակամբն ջայլէին, զայսպիսի պատգամս առաքեր Տիրիթն: 56 Բողոք բառնայր՝ թէ լուարուք ամենեքեան, զի մահ առն իմոյ վասն իմ եղեւ. զի որ ինձ ակն եդ վասն իմ, զայրն իմ ետ սպանանել: 57 Չհերսն փետեր, ճչեր ընդ կոծելն:

58 Ապա իբրեւ մեծ իրքն համարձակ յայտնեցան ի լսելիս ամենեցուն, եւ ի ձայնարկունքն ամենայն եղեւ նա մայր ողբոցն, եւ ձայնարկունքն ամենայն

1 *Օրինակ մի՛* ի սիւսնս

2 *Օրինակ մի՛* մերկատիկ